

初作麼生

玄門

身在玄門四十年醯雞衝破瓮中天縱橫自在寬如許蝸角蠅頭不直錢

物假

萬有浮沉水上漚化工不息販何樓癡童撥得閒拈弄瓦狗泥車打破休

遁化

會得山舟密密移有心天地可逃之人中自有藏人處就路歸來更莫疑

道藏輯要

雲山集

書

歸集六

默契

物情著莫寸心灰寒涕慵收口倦開知有不容人會得洞房深鎖白雲堆

拂塵

修行大抵要修心削盡塵緣萬慮沉露出亘初靈底物不須知覺不須尋

空虛

修行心地要空虛剝剝塵塵總破除卻顯亘初真面目亦無銷滅亦無餘

形數